



საქართველოს მთავრობის ადმინისტრაციის ადმინისტრაციულ შენობაში (ქ. თბილისი, ინგოროყვას ქ. N7)
ცხელი წყლის სისტემის მოწყობის უზრუნველყოფი სამუშაოების შესყიდვის გამარტივებული ელექტრონული
ტენდერის ¹სატენდერო დოკუმენტაცია
CPV45300000

ქ. თბილისი, 2016 წელი

¹ გამარტივებული ელექტრონული ტენდერის გამოცხადების საფუძველს წარმოადგენს საქართველოს მთავრობის 2016 წლის
16 ნოემბრის N2399 განკარგულება „სახელმწიფო შესყიდვების შესახებ“ საქართველოს კანონის 10¹ მუხლის 3¹ პუნქტის
შესაბამისად

1. გამარტივებულ ელექტრონულ ტენდერში მონაწილეობისათვის – იხილეთ ვებ-გვერდზე:
www.procurement.gov.ge:

ა) „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“;

ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.

2. სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.

3. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში (დანართი #1), სატენდერო წინადადების წარმოდგენამდე.

4. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით.

5. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.

6. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

7. სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე.

8. ალტერნატიული სატენდერო წინადადების წარმოდგენა არ არის დაშვებული.

9. სატენდერო დოკუმენტაციის შესახებ დამატებითი ინფორმაცია და განმარტებები შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრი:

ქეთევან ახვლედიანი

ტელ: 577 180 149

ელ. ფოსტა: kakhvlediani@gov.ge

ტექნიკური დოკუმენტაცია

შესყიდვის ობიექტი:

საქართველოს მთავრობის ადმინისტრაციის ადმინისტრაციულ შენობაში (ქ. თბილისი, ინგოროყვას ქ. N7) ცხელი წყლის სისტემის მოწყობის უზრუნველყოფის სამუშაოები.

შესყიდვის ობიექტის აღწერა:

- ცხელი წყლის სისტემამ უნდა უზრუნველყოს ცხელი წყლის მიწოდება საქართველოს მთავრობის ადმინისტრაციის ადმინისტრაციული შენობის (ქ. თბილისი, ინგოროყვას ქ. N7) 71 წერტილში. სისტემა უნდა უზრუნველყოფდეს ცხელი წყლის წარმოქმნას წყლის მოცულობითი ბოილერისა და ბუნებრივი აირის წყალგამოთბობლის საშუალებით, საიდანაც ცხელი წყლის მიწოდება უნდა განხორციელდეს შენობის სხვადასხვა წერტილში (წყლის მიწოდების მაქსიმალური სიმაღლეა 40 მეტრი, XII სართული).
- სამუშაოები მოიცავს მოცულობითი ბოილერის, წყალგამოთბობლის, თანმდევი სისტემების მონტაჟსა და მათ დაერთებას შენობის არსებული წყლის მილების სისტემასთან.
- სამუშაოები უზრუნველყოფილ უნდა იქნას ცხელი წყლის სისტემის მოწყობის სქემის დაცვით, რომელიც სატენდერო დოკუმენტაციას თან ერთვის დანართი N1-ის სახით.

შესყიდვის ობიექტის საორიენტაციო ღირებულება: 29,107.00 (ოცდაცხრაათასასშვიდი) ლარი.

სამუშაოების შესრულების ადგილი: ქ. თბილისი, ინგოროყვას ქ. N7

სამუშაოების ფარგლებში გამოსაყენებელი მასალების ტექნიკური მახასიათებლები, სამუშაოთა სპეციფიკაციები და მოთხოვნები წარმოდგენილია ტექნიკურ დავალებაში, რომელიც სატენდერო დოკუმენტაციას თან ერთვის დანართი N2-ის სახით.

სამუშაოთა მოცულობები და ხარჯადრიცხვა წარმოდგენილია დანართ N3-ში.

სატენდერო მოთხოვნები:

- სამუშაოთა წარმოება** - სავალდებულოა სამუშაოები წარმოებულ იქნას დანართ N1-სა და დანართ N2-ში ფიქსირებული მოთხოვნების სრული დაცვით. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა არ შეესაბამება ტექნიკურ დავალებაში ფიქსირებულ მოთხოვნებს, მიმწოდებელი ვალდებულია თავისი ხარჯებით გამოასწოროს/წარმოადგინოს სხვა- სატენდერო მოთხოვნების შესაბამისი მასალა/მოწყობილობა.
- სამუშაოების შესრულების პროცესში მიმწოდებელი ვალდებულია სამუშაოები შეასრულოს თანამედროვე სტანდარტების შესაბამისად და სრულად დაიცვას დადგენილი ნორმები.
- სამუშაოთა განფასება** - პრეტენდენტმა უნდა უზრუნველყოს სამუშაოთა ხარჯთაღრიცხვის წარმოდგენა სატენდერო დოკუმენტაციის დანართი N3-ის სახით. ხარჯთაღრიცხვის შედგენისას გათვალისწინებული უნდა იქნას საქართველოს მთავრობის N55 დადგენილება - „ტექნიკური რეგლამენტის - სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის დამტკიცების შესახებ“. დაუშვებელია ხარჯთაღრიცხვის ფორმაში სატენდერო წინადადების წარმოდგენის დროს ფიქსირებული გაუთვალისწინებელი ხარჯის პროცენტული ოდენობების ცვლილება.
- გამოცდილება:**
 - პრეტენდენტს უნდა გააჩნდეს ანალოგიურ სფეროში არანაკლებ 3 წლიანი გამოცდილება

- პრეტენდენტის მიერ წარმოდგენილი უნდა იყოს ბოლო 3 წლის განმავლობაში შესრულებული ანალოგიური სპეციფიკის, მოცულობისა და მინიმუმ მსგავსი ბიუჯეტის მქონე სამუშაოების წარმოების დამადასტურებელი დოკუმენტაცია (ხელშეკრულებებისა და მიღება ჩაბარების აქტების სახით);
- 4. **გარანტია:** შესრულებულ სამუშაოებსა და სისტემის შემადგენელ მოწყობილობებზე უნდა ვრცელდებოდეს 3 წლიანი გარანტია, რომლის ფარგლებშიც, მიმწოდებელი ვალდებულია, უზრუნველყოს ნებისმიერი ტექნიკური წუნის აღმოფხვრა. საგარანტიო პერიოდის ათვლა დაიწყება მიმწოდებლის მიერ სისტემის ექსპლუატაციაში გაშვების თარიღიდან.
- 5. **სამუშაოების ვადები:** პრეტენდენტმა უნდა უზრუნველყოს სამუშაოების შესრულება ხელშეკრულების გაფორმებიდან 10 (ათი) სამუშაო დღის განმავლობაში.
- 6. **სამუშაოების ჩაბარება:** სამუშაოების დასრულების შემდეგ მიმწოდებელი ვალდებულია შემსყიდველ ორგანიზაციას წარუდგინოს შესრულებული სამუშაოების აქტი - ფორმა N2. ფორმა N2-ში წარმოდგენილი მაჩვენებლების შემოწმება უზრუნველყოფილ იქნება სსიპ - ლევან სამხარაულის სახელობის ეროვნული ბიუროს ან მსგავრი აკრედიტაციის მქონე ორგანიზაციის ექსპერტიზის დასკვნით². აღნიშნული დასკვნის საფუძველზე მხარეთა შორის გაფორმდება მიღება-ჩაბარების აქტი, რომლის საფუძველზეც, შემსყიდველი ორგანიზაცია ცნობს/აღიარებს შესრულებულ სამუშაოებს.

ფასწარმოქმნის ადეკვატურობის დამადასტურებელი დოკუმენტაცია:³

- აღნიშნული მოითხოვება მხოლოდ იმ შემთხვევაში, თუ ტენდერში ყველაზე დაბალი ფასის მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. მსგავს შემთხვევაში შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას, კერძოდ კი სსიპ ლევან სამხარაულის სახელობის სასამართლო ექსპერტიზის ბიუროს ან სხვა აკრედიტებული პირის მიერ გაცემული ექსპერტიზის შესაბამისი დასკვნის წარმოდგენას არაუგვიანეს 10 კალენდარული დღისა.
- იმ შემთხვევაში, თუ დასკვნის გამცემი ორგანო არ იქნება სსიპ - ლევან სამხარაულის სახელობის სასამართლო ექსპერტიზის ეროვნული ბიურო, პრეტენდენტმა დამატებით უნდა წარმოადგინოს ექსპერტიზის განმახორციელებელი ორგანოს/პირის შესაბამისი აკრედიტაციის სერთიფიკატი და აკრედიტაციის სფერო, რომელიც უნდა ფარავდეს მოთხოვნილ მომსახურებას.
- ფასწარმოქმნის ადეკვატურობის დასაბუთების (ექსპერტიზის დასკვნის) არ წარმოდგენა გამოიწვევს პრეტენდენტის დისკვალიფიკაციას.

ანგარიშსწორების პირობები:

1. ანგარიშსწორება განხორციელდება საქართველოს მთავრობის ადმინისტრაციის 2016 წლის საბიუჯეტო ასიგნებების ფარგლებში; ანგარიშსწორება განხორციელდება უნაღდო ანგარისწორებით ლარში, ერთ ეტაპად, რომლის ფარგლებშიც, შემსყიდველი უზრუნველყოფს მიმწოდებლისათვის ხელშეკრულებით განსაზღვრული თანხის ანგარიშსწორებას, სამუშაოების დასრულებისა და

² შესრულებული სამუშაოების ექსპერტიზის ღირებულება არ შედის სატენდერო ღირებულებაში და ანაზღაურდება შემსყიდველი ორგანიზაციის მიერ.

³ ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ წესის მე-12 მუხლის მე-11- მე-14 პუნქტები

ექსპერტიზის დასკვნის მომზადების შემდეგ მხარეთაშორის გაფორმებული მიღება ჩაბარების
აქტის საფუძველზე.

პრეტენდენტის მიერ წარმოსადგენი ინფორმაცია:

1. თანხმობა ტექნიკურ დავალებაზე (დანართი N2-ის შესაბამისად)
2. სამუშაოთა ხარჯთაღრიცხვა (დანართი N3)
3. პრეტენდენტის რეკვიზიტები (დანართი N4)
4. სატენდერო წინადადების ფასი და თანხმობა სატენდერო პირობებზე (დანართი N5)
5. გამოცდილების დამადასტურებელი ხელშეკრულებები და მიღება-ჩაბარების აქტები.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

❖ ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

❖ უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;

❖ ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.

❖ ჩემთვის ცნობილია რომ ტერმინი „კონკურენტი“ აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.

❖ მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.

❖ სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

დანართი N4

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი _____

დანართი N4

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების
ფასი: _____

(თანხა ციფრებით და სიტყვიერად).

გარანტია: შესრულებულ სამუშაოებსა და სისტემის შემადგენელ მოწყობილობებზე ვრცელდება 3 წლიანი გარანტია, რომლის ფარგლებშიც მიმწოდებელი ვალდებულია უზრუნველყოს ნებისმიერი ტექნიკური წუნის აღმოფხვრა. საგარანტიო პერიოდის ათვლა დაიწყება მიმწოდებლის მიერ სისტემის ექსპლუატაციაში გაშვების თარიღიდან.

სამუშაოების ვადები: ცხელი წყლის სისტემის მოწყობის სამუშაოთა უზრუნველყოფა განხორციელდება ხელშეკრულების გაფორმებიდან 10 (ათი) სამუშაო დღის განმავლობაში.

ხელმოწერა, ბეჭედი _____

ხელშეკრულება სახელმწიფო შესყიდვის შესახებ #

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

„ — „ — „

ერთის მხრივ _____ (შემდგომში - შემსყიდველი)

(შემსყიდველის დასახელება და იურიდიული მისამართი)

და მეორეს მხრივ _____ (შემდგომში - მიმწოდებელი)

(მიმწოდებლის დასახელება და იურიდიული მისამართი)

იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი (SPA _____) საქართველოს მთავრობის ადმინისტრაციის ადმინისტრაციულ შენობაში ცხელი წყლის სისტემის მოწყობის სამუშაოების შესყიდვაზე (CPV45300000), რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმადაც, მიმწოდებელმა აიღო ვალდებულება მიაწოდოს შემსყიდველს ზემოაღნიშნული შესყიდვის ობიექტი.

მუხლი 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 “შემსყიდველი ორგანიზაცია” (შემდგომ “შემსყიდველი”) - შესყიდვის განმახორციელებელი პირი.

1.4 “მიმწოდებელი” – პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;

1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

მუხლი 2. ხელშეკრულების შესრულების კონტროლი

2.1 ხელშეკრულებით ნაკისრი ვალდებულებების შესრულების კონტროლს განახორციელებს ჯგუფი შემდეგი შემადგენლობით:

2.2 ჯგუფის ფუნქციებია:

2.2.1 შესასრულებელი სამუშაოების მოცულობის, ხარისხისა და ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება და მიღება–ჩაბარების აქტის გაფორმება;

2.2.2 სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირება.

მუხლი 3. ხელშეკრულების ობიექტი

3.1. ხელშეკრულების ობიექტს წარმოადგენს საქართველოს მთავრობის ადმინისტრაციის ადმინისტრაციულ შენობაში (ქ. თბილისი ინგოროყვას ქ. N7) ცხელი წყლის სისტემის მოწყობის სამუშაოების შესყიდვა.

მუხლი 4. სამუშაოების შესრულების ვადა და პირობები

4.1 სამუშაოები განხორციელდება ხელშეკრულების გაფორმებიდან 10 (ათი) კალენდარული დღის ვადაში.

4.2 ხელშეკრულებით გათვალისწინებული სამუშაოების აღწერა მოცემულია ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს.

მუხლი 5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

5.2 მიღება-ჩაბარება განხორციელდება მიღება-ჩაბარების აქტისა და საგადასახადო ანგარიშ-ფაქტურის საფუძველზე.

მუხლი 6. ანგარიშსწორება

6.1 ანგარიშსწორება მიმწოდებელთან ხორციელდება ეტაპობრივად ან/და ერთ ეტაპად, უნაღდო ანგარიშსწორების წესით, „მიმწოდებლის“ მიერ მითითებულ საბანკო ანგარიშზე.

მუხლი 7. მხარეთა უფლება-მოვალეობები

7.1 შემსყიდველი უფლებამოსილია:

7.1.1 საქართველოს კანონმდებლობის შესაბამისად, შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება, აგრეთვე, საქართველოს კანონმდებლობით გათვალისწინებულ სხვა შემთხვევებში;

7.1.2 აწარმოოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

7.2 შემსყიდველი ვალდებულია:

7.2.1 მოახდინოს ანგარიშსწორება მიმწოდებელთან წინამდებარე ხელშეკრულების მე-6 მუხლით გათვალისწინებული პირობებით;

7.3 მიმწოდებელი უფლებამოსილია:

7.3.1 მიიღოს ნიშნობილი საქონლისთვის ხელშეკრულებით გათვალისწინებული ანაზღაურება;

7.4 მიმწოდებელი ვალდებულია:

7.4.1 უზრუნველყოს საქონლის მოწოდება სათანადო ხარისხითა და სრული მოცულობით;

7.4.2 განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

მუხლი 8. დაუძლეველი ძალა

8.1 მხარეები თავისუფლდებიან ხერხეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

8.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ გათავისუფლდება ნაკისრი ვალდებულებებისაგან.

8.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 9. ხელშეკრულების პირობების და ფასების გადასინჯვა

9.1. ხელშეკრულებაში ცვლილებები და დამატებები შეიძლება შეტანილ იქნეს ორივე მხარის თანხმობით; ცვლილებების და დამატებების შეტანა ხორციელდება წერილობითი ფორმით;

9.2. ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს სახელმწიფო შესყიდვის შესახებ ხელშეკრულების ჯამური ღირებულების 10 (ათი) პროცენტისა;

9.4. ხელშეკრულების პირობების ნებისმიერი ცვლილება უნდა გაფორმდეს “შეთანხმების” სახით, რომელიც ჩაითვლება ხელშეკრულების განუყოფელ ნაწილად;

9.5. ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან.

მუხლი 10. ხელშეკრულების შეწყვეტა

წინამდებარე ხელშეკრულების შეწყვეტის საფუძვლებია:

- 10.1. მხარეთა შეთანხმება;
- 10.2. ხელშეკრულებით ნაკისრი ვალდებულებების შესრულება;
- 10.3. საქართველოს სამოქალაქო კოდექსის 399-ე მუხლით განსაზღვრული შემთხვევა;
- 10.4. საქართველოს კანონმდებლობით გათვალისწინებული სხვა შემთხვევები.

მუხლი 11. დავის გადაწყვეტა

- 11.1. მხარეები სადავო საკითხებს წყვეტენ ურთიერთშეთანხმების საფუძველზე;
- 11.2. თუ ასეთი შეთანხმება ვერ იქნება მიღწეული, მხარეთა შორის დავა გადაწყდება საქართველოს სასამართლოში, საქართველოს მოქმედი კანონმდებლობით დადგენილი წესის შესაბამისად.

მუხლი 12. ხელშეკრულების პირობების შეუსრულებლობა

- 12.1. ხელშეკრულების პირობების არაჯეროვანი შესრულების ან შეუსრულებლობის შემთხვევაში, მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.
- 12.2. სამუშაოების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,2 (ნოლი მთელი, ორი მეათედი) პროცენტის ოდენობით.
- 12.3. მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, მიმწოდებელს ეკისრება პირგასამტეხლო სახელშეკრულებო ღირებულების 5 (ხუთი) პროცენტის ოდენობით.

მუხლი 13. ხელშეკრულების ვადა

- 13.1 წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს ----- ჩათვლით.

მუხლი 14. განსაკუთრებული პირობები

- 14.1 მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;
- 14.2 ხელშეკრულება შედგენილია ქართულ ენაზე, — გვერდზე, 3 (სამი) ეგზემპლარად და თითოეულ მათგანს იურიდიული ძალა აქვს;
- 14.3 ხელშეკრულების ერთი ეგზემპლარი ეგზავნება „მიმწოდებელს“, ხოლო ორი ინახება შემსყიდველ ორგანიზაციაში.

მუხლი 15. მხარეთა რეკვიზიტები